



PEJABAT PERBENDAHARAAN NEGERI TERENGGANU

PEKELILING PERBENDAHARAAN NEGERI BIL 6 TAHUN 2024

Semua Pegawai Pengawal / Ketua Jabatan / Ketua Pusat Tanggungjawab
Jabatan Kerajaan Negeri,
Terengganu

TARIKH DAN PERATURAN PEMBAYARAN EMOLUMEN TAHUN 2025

1. TUJUAN

Pekeliling ini bertujuan untuk memaklumkan dan memberi panduan kepada Jabatan/Pusat Tanggungjawab berkaitan:

- 1.1 Tarikh pembayaran emolumen bulanan bagi tahun 2025, dan
- 1.2 Peraturan yang perlu dipatuhi oleh Jabatan/Pusat Tanggungjawab bagi memastikan pengurusan bayaran emolumen dapat dilaksanakan dengan tepat, betul dan emolumen dibayar mengikut tarikh yang ditetapkan.

2. TARIKH PEMBAYARAN EMOLUMEN

Tarikh pembayaran emolumen bulanan bagi tahun 2025 adalah seperti di **LAMPIRAN A** dan ditetapkan selaras dengan Arahan Perbendaharaan 105 dan kelulusan YB Pegawai Kewangan Negeri terhadap permohonan Bendahari Negeri rujukan PERB.TR.A/21/01/0/01 (34) bertarikh 29 Oktober 2024 - Penetapan Tarikh dan Peraturan Pembayaran Emolumen Tahun 2025.

3. PERATURAN PEMBAYARAN EMOLUMEN

3.1 Tanggungjawab Jabatan/ Pusat Tanggungjawab (PTJ)

- 3.1.1 Memastikan kemasukan data perubahan emolumen dikemaskini dalam Sistem iSPEKS **sebelum 10 haribulan setiap bulan**. Jika tiada perubahan dibuat sehingga tarikh tersebut, proses pembayaran bagi bulan berkenaan akan diteruskan dengan maklumat yang sama seperti bulan sebelumnya.
- 3.1.2 Perubahan Gaji (Kew.320) yang dikemukakan selepas tarikh tutup tidak akan diproses **kecuali** yang melibatkan kes kematian, letak jawatan, persaraan, cuti tanpa gaji dan tindakan tatatertib yang mana gaji kakitangan terpaksa dihentikan segera. Perubahan seperti ini hendaklah diberitahu kepada Bendahari Negeri terlebih dahulu.
- 3.1.3 Tidak perlu menghantar borang Perubahan Gaji (Kew.320) secara manual. Borang Kew.320 hendaklah dicetak dan disimpan satu salinan bersama dokumen sokongan di dalam fail perubahan gaji di jabatan untuk tujuan rujukan.
- 3.1.4 Menyemak maklumat dalam Fail Induk Gaji setiap bulan sebaik sahaja laporan berkenaan dikemaskini dalam sistem iSPEKS dan membuat pelarasan serta merta untuk membetulkan sebarang kesilapan.

Kesilapan yang perlu dibetulkan dalam laporan Fail Induk Gaji termasuk perkara berikut:

- i) Butiran Peribadi,
 - ii) Nombor Akaun Bank, dan
 - iii) Nombor Rujukan:
 - a) Kumpulan Wang Simpanan Pekerja (KWSP)
 - b) Cukai Pendapatan – Maklumat Bilangan Anak dan Taraf Perkahwinan
 - c) Lembaga Tabung Haji dan lain-lain potongan
- 3.1.5 Memastikan supaya kakitangan tidak menutup akaun bank setelah borang perubahan gaji (Kew.320) diserahkan dan diproses oleh Bendahari Negeri. Sebarang penukaran akaun bank hendaklah diberitahu kepada Bendahari Negeri melalui Borang Perubahan Gaji (Kew.320) selewat-lewatnya pada akhir tarikh penghantaran sebagaimana yang telah ditetapkan.

3.1.6 Memastikan pelarasan dilakukan dengan segera bagi setiap lebihan bayaran atau lain-lain perubahan yang tidak sempat diambilkira dalam bulan yang dikehendaki.

3.1.7 Memastikan semua pembayaran emolumen pegawai awam negeri yang berjawatan tetap dibayar melalui **Modul Payroll (PY)** di Sistem iSPEKS dan sebarang pembayaran melalui baucar bayaran berasingan adalah tidak dibenarkan. Sekiranya terdapat keperluan pembayaran emolumen melalui Modul Arahan Belum Bayar (ABB) bagi kes-kes tertentu, kebenaran dan kelulusan Bendahari Negeri hendaklah didapatkan terlebih dahulu.

3.2 Pembayaran Emolumen Bagi Pekerja Bergaji Hari

3.2.1 Bayaran hendaklah diproses bermula pada 1 haribulan atau hari bekerja pertama bulan berikutnya; dan

3.2.2 Tarikh pembayaran emolumen adalah selewat-lewatnya pada hari ketujuh (7) bekerja bulan berikutnya.

4. HAL-HAL LAIN

Pertanyaan lanjut mengenai Pekeliling ini boleh dirujuk kepada pihak berikut:

Bahagian Pengurusan Perakaunan
Pejabat Perbendaharaan Negeri Terengganu
Tingkat 3, Wisma Darul Iman
20592 Kuala Terengganu
up: Unit Gaji
Emel : bendahari@terengganu.gov.my
No. Tel : 6276261

5. TARIKH KUATKUASA

Pekeliling ini berkuatkuasa mulai pada tarikh ianya dikeluarkan.

6. PEMAKAIAN

Jabatan/Pusat Tanggungjawab hendaklah memastikan peraturan yang ditetapkan dalam Pekeliling ini dipatuhi. Peruntukan Pekeliling ini juga dipanjangkan kepada Badan-Badan Berkanun Negeri dan Pihak Berkuasa Tempatan tertakluk kepada penerimaan oleh pihak berkuasa masing-masing.

Sekian, terima kasih.

“TERENGGANU MAJU, BERKAT, SEJAHTERA”

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,



(DATO' NARA SETIA)
Pegawai Kewangan Negeri
Terengganu

Tarikh: 29 Oktober 2024

s.k.

Semua Badan-Badan Berkanun,
Negeri Terengganu.

Semua Pihak Tempatan,
Negeri Terengganu.

Pengarah Audit Negeri,
Terengganu.

Fail timbul



09-6276261



hanizah@terengganu.gov.my

**TARIKH PEMBAYARAN EMOLUMEN BULANAN
BAGI TAHUN 2025**

~~~~~

| <b>BULAN</b> | <b>TARIKH / HARI GAJI NEGERI</b> | <b>CATATAN</b>                                                                     |
|--------------|----------------------------------|------------------------------------------------------------------------------------|
| Januari      | 22/01/2025 (Rabu)                | <i>Tahun Baharu Cina<br/>29 &amp; 30 Januari 2025<br/>(Rabu &amp; Khamis)</i>      |
| Februari     | 25/02/2025 (Selasa)              |                                                                                    |
| Mac          | 24/03/2025 (Isnin)               | <i>Hari Raya Puasa<br/>31 Mac 2025 &amp; 1 April 2025<br/>(Isnin &amp; Selasa)</i> |
| April        | 24/04/2025 (Khamis)              |                                                                                    |
| Mei          | 22/05/2025 (Khamis)              |                                                                                    |
| Jun          | 25/06/2025 (Rabu)                | <i>Hari Raya Haji<br/>7 &amp; 8 Jun 2025<br/>(Sabtu &amp; Ahad)</i>                |
| Julai        | 24/07/2025 (Khamis)              |                                                                                    |
| Ogos         | 25/08/2025 (Isnin)               |                                                                                    |
| September    | 25/09/2025 (Khamis)              |                                                                                    |
| Oktober      | 16/10/2025 (Khamis)              | <i>Hari Deepavali<br/>20 Oktober 2025<br/>(Isnin)</i>                              |
| November     | 20/11/2025 (Khamis)              |                                                                                    |
| Disember     | 18/12/2025 (Khamis)              | <i>Hari Krismas<br/>25 Disember 2025<br/>(Khamis)</i>                              |